



Luxembourg, le 26 mai 2020

REÇU

Par Alff Christian , 13:58, 26/05/2020

Monsieur le Ministre aux Relations avec
le Parlement

Service central de Législation
5, rue Plaetis
L-2338 Luxembourg

Concerne : question parlementaire n° 2262 de Monsieur le Député Marc Goergen

Monsieur le Ministre,

J'ai l'honneur de vous transmettre en annexe la réponse commune, des ministères impliqués, à la question parlementaire posée par l'honorable Député Marc Goergen.

Veillez agréer, Monsieur le Ministre, l'expression de ma parfaite considération.

Claude Meisch

Ministre de l'Éducation nationale, de l'Enfance et de la Jeunesse

Gemeinsam Äntwert vum Minister fir Educatioun, Kanner a Jugend a vum Minister fir d'Fonction publique op d'parlamentaresch Fro Nr. 2262 vum honorabelen Här Deputéierte Marc Goergen

D'Modalitéite fir de Congé pour raisons familiales (CRF) gesinn zwou nei Méiglechkeeten vir. Déi éischt Méiglechkeet besteet doran, datt d'Eltere vu Kanner, déi no dem 1. September 2015 gebuer sinn, vun engem CRF kënnen profitéieren. Déi zweet Méiglechkeet besteet fir Eltere vu Kanner, déi ënnert den aktuelle sanitäre Konditiounen keng Betreuungsplaz an enger Maisons-relais oder engem Schoulfoyer kritt hunn.

Dës nei Konditiounen sinn de 5. Mee op enger Pressekonferenz dem breede Public virgestallt ginn. D'Informatiounen sinn duerno op dem Internetsite vum Ministère iwuerhollt ginn. D'Agenten, déi d'Helpline vum Educatiounsministère bedriewen, sinn informéiert ginn, an hunn dës Informatiounen och un d'Elteren weiderginn, déi Froen zum CRF haten.

Dat groussherzoglecht Reglement, wat deen aussergewöhnleche Congé pour raisons familiales (CRF) elo nei reegelt, ass den 20. Mee owes am Journal officiel publizéiert ginn. Freides, den 22. Mee, ass ëm Mëtteg eng Informatioun un d'Personalbüro vum de staatleche Verwaltungen geschéckt ginn, an där déi nei Konditiounen ënner deenen een de CRF kritt an déi jeeweileg Linken op de Site Guichet.lu dra stoungen, a mat der Demande, datt dës Informatiounen un d'Agenten vum hirer Verwaltung soll weidergeleet ginn.

Déi Demarchen, déi d'Agenten mussen bei hirem Personalbüro maachen, sinn déi selwecht bliwwe wéi fir déi sougenannten CRF-1 an CRF-2.

Wann eng Persoun d'Konditiounen erfëllt, fir den CRF kënnen ze huelen, brauch si net den Accord vun hirer Verwaltung ze froen, mee si muss der Verwaltung, spëtstens um Ufank vum Dag selwer, Bescheid soen, datt si den CRF hëlt.

Den CRF ass gläichzestell mat enger Krankmeldung. Dat bedeit och, datt en Agent dee Moment net ka gezwonge ginn ze schaffen.

Et ass evident, datt bei bal 30.000 Agenten, d'Ministernen net kënnen garantéieren, datt jiddereen sech un all d'Reegelen hält, mee et gëtt en allgemengt Reklamatiounsrecht fir all Agent, dee mat enger Decisioun vu sengem Supérieur hiérarchique net averstanen ass, wat bis dozou féiere kann, datt den zoustännege Minister domat befaasst gëtt.

Déi eenzel Membere vun der Schoulcommunitéit, dorënner d'Schoulpresidenten, d'Léierpersonal, d'Gemengeresponsabel an d'Regionaldirektiounen, hunn an de leschte Wochen an Deeg a Collaboratioun mat de Servicer vum Educatiounsministère intensiv dru geschafft, fir sécher ze stellen, datt den Enseignement en alternance kéint vum 25. Mee 2020 un a sämtlechen ëffentlechen Grondschoulen ëmgesat ginn. Bei der Organisatioun vum Enseignement en alternance gouf op där enger Säit bei den Elteren eng Enquête gemaach, fir de Besoin a puncto Prise en charge vun de Kanner während an ausserhalb vun den nei definéierte Schoulzäiten ze erfassen. Dobäi hunn d'Schoulen d'Resultater vun där um nationalen Niveau realisierter Enquête am enke Kontakt mat den Eltere permanent à jour gehalen respektiv gegebenefalls ergänzt. Dëst huet et erméiglecht, fir d'Opdeelung vun de Kanner an déi eenzel Gruppe sécherzestellen an eventuell zousätzlech Besoinen a puncto Personalressourcë fréi ze erkennen an entsprechend weider Persounen fir den Encadrement vun den eenzelne Gruppen anzustellen.

Op där anerer Säit goufen och dem Schoulpersonal seng Disponibilitéite mat Hibréck op déi nei Contraintë vun den Direktiounen ermëttelt. Eng sëllegen Enseignantë hunn sech bereet erkläert fir kuerzfristeg méi Stonnen ze prestéieren, esou datt si eleng ee Grupp konnten iwwerhuelen, fir d'Unzuel vun den Intervenanten an den eenzelne Gruppen esou geréng wéi méiglech ze halen.

Fir de Remplacement vum Léierpersonal bis zum Schluss vum Schouljoer ze assuréieren, gouf d'Unzuel vun de Remplaçant-permanenten erhéicht. Dës zousätzlech Ressourcen erlaben et den Direktiounen, op kuerzfristeg Besoinen ze reagéieren an esou sécherzestellen, datt Enseignanten, déi krankheitsbedéngt ausfalen oder vun engem Congé, dorënner och de CRF, profitéieren, kënnen ersat ginn an deementspreechend d'Prise en charge vun den eenzelne Gruppe garantéiert ass.